

Հ. Ա. ԹԻՈՒՄԱՆՅԱՆ

ՀԱՅԱՍՏԱՆՈՒՄ ԿԱՊԻՏԱԼԻԶՄԻ ԶԱՐԳԱՑՄԱՆ ՄԻ ՔԱՆԻ
ԱՌԱՆՋՆԱՀԱՏԱԿՈՒԹՅՈՒՆՆԵՐԻ ՄԱՍԻՆ

Հայաստանում կապիտալիզմի զարգացման հարցի վերաբերյալ դո-
յություն ունեն տարատեսակ կարծիքներ։ Ոմանք չեն ընդունում, որ
19-րդ դարում Հայաստանում կապիտալիստական հարաբերություններ
եղել են, բայց չեն ասում, թե ինչ հարաբերություններ են եղել։ Ոմանք
հակառակ տեսակետն ունեն և կապիտալիստական հարաբերությունների
զոյությունը հանդիսանում են 19-րդ դարի սկզբից, ոմանք էլ ընդունում են, որ
19-րդ դարի 2-րդ կեսից են սկսվում այդ հարաբերությունները երևան
գալ, սակայն տարբերություն չեն տեսնում այդ տեսակետից Անդրկով-
կասի մնացած մասերում կապիտալիստական հարաբերությունների խորու-
թյան և Հայաստանում եղած հարաբերությունների խորության միջև։ Դեռ
ավելին։ Որոշ ընկերներ հակված են անուղղակի ճանապարհով ցույց առնել,
որ իբրև թե Հայաստանում կապիտալիզմ առաջացնող հանգամանքներն
ավելի ուշ եղել են եղել, քան թե Նույնիսկ Ռուսաստանում։

Վերևում հիշատակված տեսակետները պաշտպանողների հետ մենք մի
առիթով վիճարանել ենք 1945 թվականին Երևանի Պետական Համալսա-
րանի դիտական սեսիայում մեր կատարած զեկուցման ընթացքում, ուստի
այստեղ այդ հարցերի վրա նորից կանգ առնելն ավելորդ է։

Անտարակուսելի է, որ Հայաստանում կապիտալիզմի զարգացման
հարցն անօրինակություն կապված է Ռուսաստանում և Անդրկովկասում կա-
պիտալիզմի զարգացման հետ։ Այստեղ կապիտալիստական հարաբերությու-
նների առաջանալն ու զարգանալը մեծ չափով պայմանավորված է եղել
Ռուսաստանի անտեսական զարգացմամբ և այն քաղաքականությամբ,
որ վարում էր ցարիզմը ծայրագավառներում։

Ռուսաստանին միացվելու օրվանից՝ Հայաստանի էկոնոմիկան
զարգացել է Ռուսաստանի էկոնոմիկայի զորեղ ազդեցությամբ տակ,
վերջինս հանդիսացել է մի տեսակ կարգավորող ինչպես ձեռքած ծայրա-
գավառների, այնպես էլ Հայաստանի էկոնոմիկայի համար։

Մինչև Ֆեոդալյան Ռուսաստանը, որը տակավին դանդաղ էր իր զար-
գացման մանուֆակտուրային աստիճանի վրա, երբ բացակայում էր խոշոր
արդյունաբերությունը և հետևապես վերջինի համար ներքին շուկա ստեղ-
ծելու անհրաժեշտությունը, Ռուսաստանը ծայրագավառի առջև հատուկ
պահանջներ չէր առաջադրում հումքի և բանվորական ուժի գծով, հավա-
սարապես նաև սպառման շուկաների գծով։

Մեզ մոտ դաշտատնտեսության մեջ ապրանքային հարաբերությու-
նները թույլ էին և զյուղատնտեսության նույնիսկ այն ճյուղերը, որոնք
հեռավորում են թարկվեցին խիստ ապրանքայնացման, ինչպես օրինակ

բաժրակաժակությունը, այգեգործությունը և այլն, այդ շրջանում դարգանում են դանդաղ, բնատեսության հատուկ հատկանիշներով: Ինչ վերաբերում է հնուց գոյություն ունեցող արդյունաբերության մի քանի ճյուղերին, սրանք էլ ծառայում էին գյուղատնտեսությանը որպիս օժանդակ ճյուղ: Ինչպես օրինակ, բաժրակի, խաղողի, յուղաբույսերի և այլնի վերականգնումը: Կարճ ասած՝ արդյունաբերությունը չէր անջատված գյուղատնտեսությունից: Ինչ վերաբերվում է մեր քաղաքներին, այստեղ էլ քաղաքային բնակչության ապրելակերպը քիչ բանով էր տարբերվում գյուղական բնակչության ապրելակերպից: Քաղաքային կյանքի բնորոշ գծերից մեկը արհեստների բավականաչափ տարածված լինելն էր, մասնավորապես Ալեքսանդրոպոլում, որտեղ արհեստներն ամփոփված էին համաբարություններում և հիշեցնում էին միջնադարյան քաղաքները:

Երբ են առաջանում ու զարգանում կապիտալիստական հարաբերությունները մեզ մոտ և ինչ ուժերի ազդեցության աակ:

Ռուսաստանի համար այդ շրջանն սկսվում է գյուղացիական ռեֆորմներից հետո, մի ռեֆորմ, որի անհրաժեշտությունը նախ և առաջ պայմանավորված էր Ռուսաստանում արդեն սկիզբ առած կապիտալիստական հարաբերությունների համար ճանապարհ հարթելու անխուսափելիությամբ, կամ Լենինի արտահայտությամբ՝ տնտեսական ուժն էր, որ Ռուսաստանին մզեց դեպի ռեֆորմների կիրառումը: Հայաստանում տնտեսական ուժն այդպիսի բացահայտությամբ իրեն զգալ չէր տալիս և եթե այնուամենայնիվ այստեղ, Անդրկովկասում էլ կատարվեցին գյուղացիական ռեֆորմներ, ապա այն նորից կատարվում էր մի կողմից Ռուսաստանի տնտեսական զարգացման պահանջների ազդեցության տակ, իսկ մյուս կողմից էլ այստեղ այն կատարվում էր նաև քաղաքական որոշ նկատառումով: Ահա թե ինչու, եթե Ռուսաստանում կիրառված ռեֆորմները Լենինը գնահատում էր որպես կալվածատերերի ձեռքով կատարված բուրժուական ռեֆորմներ, մեզ մոտ ռեֆորմը ոչ միայն բուրժուական չէր, այլ լինելով բացահայտ կալվածատիրական, 1861 թ. ռեֆորմի համեմատությամբ կիսատ-պոստ էր: Այստեղից էլ հասկանալի է, որ ռեֆորմը կիրառողներն իրենց նպատակ չէին դրել այստեղ կապիտալիզմի զարգացման համար ճանապարհ հարթելը, թեպետ և ռեֆորմներից հետո ընկած շրջանում հետզհետե առաջացան կապիտալիստական հարաբերությունները:

Անդրկովկասում և Հայաստանում կիրառվող գյուղացիական ռեֆորմների հիմքում դրվեց 1861 թվականի ռեֆորմի սկզբունքները, հաշվի առնելով, սակայն, տեղական առանձնահատկությունները: Այդ առանձնահատկությունների հաշվառումը գործնականորեն նշանակում էր որոշ նահանջ կատարել 1861 թվականի կանոնադրության դիրքերից հօգուտ հողատերերի: Այդ կարգի նահանջներից պետք է հիշատակել ռեֆորմի հարմարեցնելը 1847 թ. ռեսկրիպտի պահանջներին, հողատերերի տիրակալության ճանաչումը գյուղացիների վրա, շնչարածնի նորմայի չափը և այդ կապակցությամբ արտոնյալ պայմանների ստեղծումը հողատերերի համար գյուղացիներին հողը հատկացնելիս (1870 թ. կանոնադրության 9-րդ հոդվածը): Այնուհետև ձևականորեն ետգնման թույլտվությունը և վերջինիս իրականացման համար անհրաժեշտ պայմանների լիակատար բացակայությունը:

Նահանգի այդ բոլոր մոմենտները թիասին վերցրած հիմք են տալիս պնդելու, որ Հայաստանում կիրառված ռեֆորմներն ունեին կալվածատիրական բնույթ և իրենց էությունով 1861 թ. ռեֆորմի համեմատությամբ ոչ միայն պրոպրետիվ չէին, այլ առավել հետադիմական:

Հետռեֆորմյան շրջանում բյուրեղացած հողատիրությունն այսպիսի կերպարանք ունեցավ: Եթե հողային ամբողջ ֆոնդը ընդունենք 100%-ի, ապա ամբողջ տնտեսությունների 98,97 % կազմող գյուղացիական տնտեսությունների ձեռքին պատվում էր հողային ֆոնդի միայն 38,8%-ը: Մասնավոր խոշոր հողատերերը վաճառեցին հետ միասին, որոնք կազմում էին բոլոր տնտեսությունների ընդամենը 1,08%-ը, իրենց ձեռքում կենտրոնացրել էին ամբողջ հողային ֆոնդի 8,7%-ը և վերջապես ցուրական դանձարանի իր ձեռքում պահում էր բոլոր տեսակի հողերի ավելի քան 52,5%-ը:

Հասկանալի է, որ Հայաստանում կիրառած ռեֆորմը թեպետ և խաբուրում էր գոյություն ունեցող հարաբերությունների հիմքերը, սակայն նա իր բնույթով չէր կարող գյուղի շերտավորումը այնպիսի արագությունով խորացնել, որպիսի արագությունով խորացրեց 1861 թ. ռեֆորմը Ռուսաստանի ներքին նահանգներում: Այս հանգամանքն անշուշտ պետք է նկատի առնել Հայաստանի գյուղում կապիտալիստական հարաբերությունների զարգացման հարցը քննելիս:

Մինչև գյուղացիական ռեֆորմները գյուղի կյանքն, իհարկե, իր մեջ պարունակում էր տնտեսական անհավասարություն. այնտեղ դանդաղորեն ձևավորվում էին սոցիալական տարրեր շերտեր:

Ռեֆորմի նետնաքով այդ պրոցեսն աշխուժանում է: Երբեմն նահապետական բնույթ ունեցող գյուղական համայնքը կորցրել էր այլևս իր համապարփակ կերպարանքը: Հին հարաբերությունները պահպանող այդ նե-նարանից շատ բաներ արդեն հասել էին հետռեֆորմյան շրջանում:

Ստեղծվել էր այնպիսի դրություն, որ միևնույն գյուղի ծիերի կես մասից ավելին իրենց տրամադրության տակ ունեին մի քանի անգամ ավելի հող, քան Յեսցած մասը: Անհավասարություն էր գոյացել նաև տարբեր գյուղերի միջև: Հայաստանի լեռնային և նախալեռնային գյուղերում, ուր արոտները պակաս նշանակություն չունեին քան վարելահողը, այդ գյուղերից շատերը բոլորովին դուրկ էին արոտներից: Նրանք հաճախ էին գի-մում նահանգապետին այդ առթիվ: Հայտնի են մի շարք գյուղերի գի-մումները, որոնք այժմս էլ գտնվում են Պետական արխիվում:¹

Գյուղատնտեսության մեջ տնտեսական անհավասարության բյուրեղացման զործում որոշակի գեր էին խաղում ռեֆորմի կիրառման հետ կապված հողերի սահմանափակման անկանոնությունները, ինչպես նաև սահմանադատման ընթացքում կատարվող դանդաղ կեղծիքները: Նախա-լեռնային և լեռնային շրջաններում, ուր ոչ բոլոր դեպքում էր, որ վարելահողերը կազմում էին ամբողջական մասսիվ: Նրանք միմյանցից բաժանվում էին հաճախ վարելահողի մեկ երրորդին հավասար միջնակներով: Ռեֆորմը կիրա-ռելիս զրանք, նույնպես, հաշվել էին գյուղացիների վրա: զրանով իսկ ար-հեստականորեն ավելացնելով գյուղացիներին չնչարածին հողը, նման փաս-

¹ Տես Պետական արխիվ, ֆոնդ 133, գործ 2167, քերթ 18 և լուսանկարությունը:

տերի ժասին մենք սպասուիչ տեղեկություն ենք ստանում Երևանի նահանգի մի շարք գավառների գյուղացիների դիմումներին: Անհավասարություն կար նաև թրի օպտագործման րնադավառում:

Յարական ինքնակալության հարկային սխտեմն էլ, որը հետևաբար մյան շրջանում կառուցված էր ըստ շնչերի, ավելի էր խորացնում գյուղում արմատավորվող անհավասարությունը: Մի կողմից տեղի էր ունենում հողերի կենտրոնացում գյուղական կույակների և ունեւորների ձեռքում, մյուս կողմից չքավոր գյուղացիները չունենալով իրենց առկա շնչերի քանակին համապատասխան հող, տուրքադրվում էին ըստ շնչերի:

Բացի դրանից համայնքի ընդհանուր օպտագործության տակ եղած արոտների (որոնք ծառայում էին անասնապահության) համար վճարվող հարկն էլ հավասար սկզբունքով էր բաշխվում գյուղացիների վրա, ելակետ ունենալով շնչերը և ոչ թե անասունների զխաքանակը:

Չքավոր գյուղացիների տարեկան եկամուտը Նոր Բայազետի գավառում կազմում էր 70 ոտբլի, որից 40-ը ստացվում էր դաշտավարությունից, իսկ 30-ը՝ կողմնակի դատումներից: միջակերիները համապատասխանաբար կազմում էր 318 ոտբլի, որից 261-ը դաշտավարությունից, 57-ը անասնապահությունից: մինչդեռ ունեւոր գյուղացիների անասնապահությունից եկամուտը (411 ս.) գերազանցում էր միջակերի և չքավորների ողջ եկամուտների գումարը: Այդ պայմաններում արոտների համար հարկը վճարվում էր ըստ շնչերի: Ստացվում էր այսպիսի դրություն. չքավորները վճարում էին հարկ իրենց եկամուտների 40,1% -ը, միջակերները՝ 9%, ունեւորները՝ 2% -ը: Հենց այս կարգի երևույթները խորացնում էին արդեն գոյություն ունեցող անհավասարությունը և հետզհետե խորը չերտավորման ենթարկում գյուղը:

Մեր տրամադրության տակ կան բազմաթիվ փաստեր վերցված Պետական արխիվից, որոնք ցույց են տալիս, թե ինչպես վերև նշված երեւույթների անմիջական ներգործության տակ տեղի են ունենում հողի առ ու ծախքի վարձակալության անթիվ դեպքեր չքավոր գյուղացիների համար ստրկացուցիչ պայմաններով:

Սրանք երևույթներ են, որոնք ցույց են տալիս գյուղի քայքայման պրոցեսը, որի հետզհետե խորացումով՝ գյուղատնտեսության մեջ սկսվում է մասսայաբար կիրառվել վարձու աշխատանքը, այսինքն գյուղը դառնում է կապիտալիստական:

1897 թվականի մարդահամարի նյութերը այդ նպատակով մշակելով՝ մենք ստացանք՝ ըստ Հայաստանի գավառների վարձու աշխատանքի կիրառման հետևյալ պատկերը:

Երևանի գավառում բոլոր ծխերի 5,3%-ն են կիրառել վարձու աշխատանք, Ալեքսանդրպոլի գավառում՝ 1,1% -ը, Նոր-Բայազետի գավառում՝ 2%, Էջմիածնի գավառում՝ 4,8% -ը, Դարալագյազում՝ 4% -ը և այլն:

Երևանի քայքայման պրոցեսը, նրանում շերտավորումը ցույց տալու համար, մենք օգտագործել ենք նաև գյուղացիական բյուջեները, որոնք հրապարակված են Երևանի Պետական Համալսարանի գիտական աշխատությունների 23-րդ հատորում, այդ պատճառով էլ նրանց վրա կանգ չենք առնում:

Բոլոր տվյալներից երևում է, որ Հայաստանի հետևեցորդական գյուղ-

դուժ կապիտալիստական հարաբերութիւնները ակնհայտ կերպով երեան են զայիս: Երա պատճառն, իհարկեւ, ոչ այնքան գյուղատնտեսութեան զարգացման ներքին էվոլուցիան է՝ թիւած ունեւորման կերտառումից, որքան ուսական կապիտալի անմիջական ներգործութիւնը մեր գյուղատնտեսութեան մի քանի ճյուղերի վրա:

Հետունքորմեան Ռուսաստանի էկոնոմիկան քննթագրվում է որպես մի շրջան, երբ ստեղծվում է ներքին շուկա խոշոր արդյունաբերութեան համար:

Վ. Ի. Լենինը իր «Կապիտալիզմի զարգացումը Ռուսաստանում» առաւտութեանը նվիրել է հենց Ռուսաստանում ներքին շուկայի գոյացման պրոցեսին: Հնարավորութեան շուաննալով հանգամանորեն կանգ առնելու այդ խնդրի Լենինեան վերլուծութեան վրա, մատնանշեք սակայն, որ ըստ Լենինի ներքին շուկայի լայնացման հիմնական ցուցանիշներն են՝ ապրանքաշրջանառութեան աճը, առևտրա-արդյունաբերութեան աճը, գյուղացիութեան քայքայվելը և այդ բաղադրի վրա վարձու աշխատանքի կերտումը:

Այն պիտի մի երկրի համար, որպիսին հանդիսանում էր Հայաստանը կապիտալիստական հարաբերութիւնների առաջացման ու զարգացման հարցերը քննելու, պետք է ոչ թե վերևում մատնանշված ցուցանիշների մեխանիկական որոնում կատարել, Հայաստանի էկոնոմիկան վերցնելով ինքնամիտի վիճակում, այլ ընդունելով, որ Հայաստանը հանդիսացել է ուսական կայսրութեան ծայրագավաններից մեկը, ցույց տալ, թե ինչ գեր է խաղացել նա Ռուսաստանի խոշոր արդյունաբերութեան համար ներքին շուկա ստեղծելու գործում:

Մատնանշեք, սակայն, որ այս դեպքում էլ ուսումնասիրողի համար անմիջական ուղեցույց է ծառայում լենինեան ուսմունքը կապիտալիզմի զարգացման մասին ընդհանրապես, կապիտալիզմի զարգացումը ըստ լայնքի մասնավորապես, որոնք շարադրված են նրա աշխատութեաններում:

Մարքս-լենինեան ուսմունքը կապիտալիզմի զարգացման անհամաշարհութեան մասին ուսուցանում է, որ երբ հողագործութեան մեջ ճարտական ձեացորդները շատ են (իսկ դրանք Ռուսաստանում բավականաչափ շատ էին), նրանք դանդաղեցնում են գյուղատնտեսութեան մեջ կապիտալիզմի զարգացման տեմպերը: Իրա հետեանքով պարզ է, որ բարձր տեմպերով զարգացող արդյունաբերութեանը շրավարարվելով ներքին նահանգներով պետք է լրացուցիչ շուկաներ որոնել: (Լենինը, սակայն լրացնում է, որ այդ քնակ էլ չի նշանակում, թե գյուղատնտեսութեանը չէր կարող առհասարակ ներքին շուկա ծառայել առանց ծայրագավանների: Այդ նշանակում է, որ Ռուսաստանի դարպացող արդյունաբերութեանը շրավարարվելով ներքին նահանգներով, պետք է ձգտեր դեպի ծայրագավանները: Այս հանգամանքները նկատի առնելով, Լենինը մանրամասն հետազոտութեան հիման վրա կառուցեց իր ինքնատիպ կուռ թեորիան՝ «Կապիտալիզմի զարգացումը ըստ խորութեան և զարգացումն ըստ լայնքի»: Ինչպես հայտնի է, Լենինն ուսումնասիրել է Ռուսաստանի կապիտալիզմի զարգացումն ըստ խորութեան, բայց դրա հետ միասին նա տվել է ցուցումներ նաեւ կապիտալիզմի զարգացումն ըստ լայնքի ուսումնասիրելու համար:

Ուսումնասիրել Ռուսաստանի այս կամ այն ծայրագավանում կապի-

տալիստական հարաբերությունների զարգացումը, այդ նշանակում է պատասխան տալ հետևյալ երկու հարցերին՝ նախ տվյալ տնտեսական շրջանի շուկայի զարգացումը և ապա կենտրոնի դերը ծայրամասերում կապիտալիստական հարաբերությունների զարգացման մեջ ու այդ զարգացման առանձնահատկությունները:

Լենինի դրույթներից հետևում է, որ կապիտալիզմի զարգացումը Ռուսաստանում ըստ լայնքի Անդրկովկասի համար նշանակում էր՝

1. Նրան համաշխարհային ապրանքաշրջանառության մեջ ներգրավել ու վերածել շուկայի՝ ուսական փարբիկանների համար:

2. Պայմաններ ստեղծել ըստ իսկ Անդրկովկասում արդյունաբերության զարգացման համար և

3. Իրականացնել արդյունաբերության անջատումը հողագործությունից:

Այս պայմաններն իրականանում են նախ և առաջ շնորհիվ այն բանի, որ Անդրկովկասը Ռուսաստանի հետ միացվում է երկաթուղային հարժար ճանապարհներով:

Սկսած 1872 թվականից մինչև 1900-ական թվականները Անդրկովկասում կառուցվում են 1948 կիլոմետր երկարությամբ 9 երկաթուղային գծեր: Դրանցից միայն մեկն էր անցնում Հայաստանով և այն էլ բավականին ուշ՝ 1899 թվականին, որի երկարությունը 350 կիլոմետր էր: Իրականացնելով երկաթուղային շինարարությունը և այն Ռուսաստանի ընդհանուր ցանցի հետ միացնելով, արդեն վերանում են տնտեսական այն արգելքները, որոնք ճորտական հարաբերությունների հետ միասին թույլ չէին տալիս Անդրկովկասի կապիտալիստական զարգացումը:

Ռուսական կապիտալն այժմ հնարավորություն ուներ իր բոլոր մեծերով ներթափանցելու Անդրկովկասի Անդրկովկասի հարուստ ընդերքի շահագործումն այժմ արդեն դրվում էր ոեալ հողի վրա: Սկսվում է նաև արտասահմանյան կապիտալի հոսանքն Անդրկովկաս, մասնավորապես լեռնային արդյունաբերության մեջ, ուր կապիտալի ցածր օրգանական կազմի պայմաններում, բանվորական ուժի առատության հետ մեկտեղ հնարավոր էր ստանալ շահույթի ավելի բարձր նորմա, քան Ռուսաստանում և Խվրոպայում շահույթի միջին նորման էր: Անդրկովկասը ոեալ կերպով ընդգրկվում է համաշխարհային շրջանառության մեջ. առաջանում են արդյունաբերության նոր ճյուղեր. հղածներն էլ սկսում են աճել ավելի արագ կերպով: Այդ բոլորի հետևանքով «տեղի էր ունենում բնիկ դարավոր «տնայնապորձական» արհեստագործությունների դուրսվումը, որոնք Մոսկվայից ներմուծվող ֆարբիկատների մրցման հետևանքով ընկնում էին: Ընկնում էր գենքի հինավուրց արտադրությունը՝ Տուլայից ու Բելգիայից ներմուծվող ապրանքների մրցման շնորհիվ, ընկնում էր երկաթի տնայնագործական մշակումը՝ ներմուծվող ուսական արտադրանքի մրցման շնորհիվ. նմանապես ընկնում էր պղնձի, ոսկու և արծաթի, կալի, ճարպի, սոդայի, կաշիների տնայնագործական մշակումը և այլն. այս բոլոր արդյունքներն ավելի էժան էին պատրաստվում ուսական ցործարաններում, որոնք իրենց շինվածքները Գովկաս էին ուղարկում... ուսական կապիտալիզմը Գովկասը ներգրավում էր համաշխարհային ապրանքաշրջանառու-

թյան մեջ, համահարթում էր հինավուրց նահապետական ինքնամիտիվածության մեացորդ հանդիսացող նրա տեղական առանձնահատկությունները, իր գործարանների համար շուկա էր ստեղծում:¹

Ռուսական և արտասահմանյան կապիտալիզմի ներգործությունն Անդրկովկասի տարրեր մասերի վրա միևնույն չափով և միևնույն ուղղությամբ չի կտտարվել: Այն ժամանակ, երբ Ապշերոնի դեպի իրեն էր քաշում արտասահմանյան և ռուսական կապիտալները, այն ժամանակ, երբ նույն պրոցեսներն էին տեղի ունենում նաև Վրաստանի մարզանեցի և ածխի արդյունաբերության ճյուղերում, Հայաստանի ընդերքը շարունակում էր կուսական վիճակում մնալ:

Ճիշտ է, այստեղ շատ հնուց գոյություն ունեւ պղնձի արդյունաբերությունը, սակայն նա շարունակում էր աշխատել սահմանափակ ծավալով տեխնիկական ցածր պատվանդանի վրա:

Ուրալում վաղուց բուն դրած ռուսական կապիտալը չէր հոսում այստեղ, իսկ ինչ վերաբերում է արտասահմանյան կապիտալին, նրա դերն էլ երկրի էկոնոմիկայում մեծ չէր:

Այդ նշանակում է, որ արդյունաբերական զարգացման անսպասելից Հայաստանի համար ռուսական և արտասահմանյան կապիտալների մուտքը Անդրկովկաս առանձնակի նշանակություն չունեցավ: Այսպես, երբ մենք վերցնում ենք 1893—94 թ. թ. տվյալները Անդրկովկասի արդյունաբերության մասին, ստանում ենք այսպիսի պատկեր: Բոլոր գործարանների, ֆաբրիկաների և մանուֆակտուրաների թվաքանակը միասին վերցրած 10533 էր, նրանցում զբաղված բանվորների քանակը—51582, տարեկան արտադրանքը կազմում էր 60438 հազար ռուբլի:

Ըստ ձեռնարկությունների թվի Երևանի նահանգում էին գտնվում ամբողջ ձեռնարկությունների 40⁰/₁₀-ից ավելի (4117), սակայն բանվորների զբաղվածությունը ⁰/₁₀-ը 16,6 էր: Այդ տոկոսների տարբերությունը մատնացույց է անում Երևանի նահանգում եղած արդյունաբերական ձեռնարկությունների խիստ զառաճային լինելը:

Ինչ վերաբերվում է արտադրանքին, Երևանի նահանգը տալիս էր ընդհանուր արտադրանքի 2,7⁰/₁₀-ը (1753 հազար): Եվ դա հասկանալի է. բոլոր արդյունաբերական ձեռնարկությունները, որոնք գտնվում էին Հայաստանում, բացառությամբ պղնձի, իրենցից ներկայացնում էին կիսատնայնագործական տիպի ձեռնարկություններ: Այդ քանակությունից 2214-ը ջրաղացներ էին, 196-ը ձիթահաններ, տյսինքն՝ ամբողջ ձեռնարկությունների մոտ 45⁰/₁₀-ը:

Այսպես չէր գրությունը Անդրկովկասի մնացած նահանգներում: Ելիզավետպոլի նահանգում գործում էին 2 խոշոր պղնձաձուլական գործարան՝ գերմանական կապիտալի տիրապետությամբ: Դործարանները սարքավորված էին ժամանակակից տեխնիկայով և սնվում էին էլեկտրո-էներգիայով: Քուրսոյիսի նահանգում այդ ժամանակ արդեն շահագործման մեջ էին գտնվում մարդանեցը և տծուխը: Բաքվում մշակվում էր նավթը, որի բազայի վրա առաջանում էին արդյունաբերության նոր ճյուղեր:

¹ Վ. Ի. Լևիտ, *Կապիտալիզմի զարգացումը Ռուսաստանում*, Երկեր, հատոր III, Խոսհրատ, Երևան, 1958 թ. էջ 674:

Այդ բոլորի ազդեցութեան տակ էր, որ ընտուր ընակավորված կամ այն լեռնականներով բնակավորված նրկիրը, որոնք համաշխարհային տրնտեսութիւնից և նույնիսկ պատմութիւնից դուրս էին կանգնած, դառնում էր նավթարդյունաբերողների, գինու առևտուր անողների, ցորենի և ծխախոտի ֆարրիկանտների երկիր և պարոն Կտրոնն անգթորեն հանում էր հպարտ լեռնականի վրայից նրա բանասանդական աղգային զգեստը և զարդարվում էր եվրոպական լակեի զգեստով։¹

Լենինի կողմից ցույց տրված այդ պրոցեսները Անդրկովկասի տարբեր վայրերում միեւնոյն տեմպերով և միևնույն ուղղութեամբ չէր կատարվում։ Այն ժամանակ, երբ կապիտալիստական արդյունաբերութեան զարգացման հետևանքով Ադրբեյջանում և Իրաստանում քաղաքային բնակչութեանն աճում էր արագ տեմպերով ի հաշիվ հողագործական բնակչութեան, Հայաստանում դրութեանն այլ էր։

Գյուղատնտեսութեան մեջ կապիտալիզմի զարգացմամբ տեղի էր ունենում գյուղացիութեան քայքայումը, բայց քայքայման պրոցեսը չէր զուգորդվում քաղաքային բնակչութեան աճման հետ։

19-րդ դարի վերջին՝ հայ գյուղում առաջացած շարժումը, այսպես կոչված «պանդխտութեան» այդ երևույթի ցայտուն արտահայտութեանն է հանդիսանում։

Այդ պարագայի մեջ պետք է տեսնել նաև այն, որ Հայաստանում բնակչութեան անջատվելը հողագործութեանից չէր համընկնում նրա քաղաքային բնակչութեան աճման հետ։ Այս բանը հաստատվում է նաև բնակչութեան ընդհանուր աճման մասին եղած տվյալներով։ Պաշտոնական վիճակագրութեան տվյալներով 1903 թվականին Իաքվի նավթարդյունաբերութեան մեջ զբաղված 23435 բանվորներից 28% -ը հայեր էին։ Հայաստանից մեծ չափով դիմում էին աշխատանքի Անդրկովկասի այլ վայրերն էլ, Թուսաստան և նույնիսկ Հյուսիսային Ամերիկայի Միացյալ Նահանգները։

Հայաստանում կապիտալիզմի զարգացման առանձնահատկութեանները հասկանալու տեսանկյանից ոչ պակաս հետաքրքրութեան են ներկայացնում Անդրկովկասում քաղաքային բնակչութեան մեջ կատարված տեղաշարժերի մասին եղած տվյալները։

1855—1886 թ. թ. Անդրկովկասի քաղաքների բնակչութեանն աճել է 64,5 % -ով։ Նույն ժամանակամիջոցում Երևանի բնակչութեանն աճել է 25,1 % -ով, իսկ Ալեքսանդրոպոլիսը՝ 44% -ով։ Պետք է նկատել, սակայն, որ Ալեքսանդրոպոլիս այս առաւելեանից բնորոշ չէ, նկատի առնելով մի շարք հանդամանքներ, ինչպես, օրինակ՝ նրանում եղած զուրքերի քանակը, 1877—78 թ. թ. ռուս-տաճկական պատերազմների ժամանակ զաղթականների ընդունումը և այլն։

Եզրակացութեանն այն է, որ Հայաստանում կապիտալիզմը արդյունաբերութեան մեջ ներքին թույլ զարգացում է ունեցել, իսկ Թուսաստանի և արասահմանյան կապիտալիզմի ուժեղ հոսանք չի եղել Հայաստանի արդյունաբերութեան մեջ, Իացատութեամբ պղնձի, արդյունաբերութեան

¹ Վ. Ի. Լենին, «Կապիտալիզմի զարգացումը Թուսաստանում», Երկեր հատոր III, Կուս-Երևան, 1938 թ., էջ 674—676։

Ճեպացած ճյուղերին ընդհուպ մինչև 19-րդ դարի վերջերը, չեն անցել զարգացման մանուֆակտուրային աստիճանից։

Երա հետևանքով Հայաստանում բանվորական ուժի ներքին պահանջ չի առաջացել։ Այսպես էր դրություներն արդյունաբերության այն ճյուղերի նկատմամբ, որոնք կապված չեն եղել գյուղատնտեսության հումքի մշակման կամ կիսամշակման հետ։

Այս ամենը նշանակում են արդյոք այն, թե Հայաստանում կապիտալիզմ չի եղել ու չի զարգացել, ինչպես իզուր աշխատում են հաստատել որոշ ընկերներ։ Բնավ էլ ոչ, 19-րդ դարի 2-րդ կեսից կապիտալիզմը սկսում է զարգանալ և խորանալ մեր գյուղատնտեսության մեջ ինչպես ներքին էվոլյուցիայով, այնպես էլ արտաքին հանգամանքների, մասնավորապես ռուսական կապիտալի ազդեցության տակ։

Ռուսաստանի տեքստիլ արդյունաբերության զարգացումն իր տեմպերով գերազանցում էր կապիտալիստական բոլոր երկրներին, որը երևում է հետևյալ տվյալներից։—1860—1883 թթ. շրջանում բամբակի համաշխարհային սպառումն աճել է 78,3⁰ տոկ, Ռուսաստանում այդ նույն շրջանում աճման տոկոսը կազմել է 171,2, Դրան համապատասխան աճել է նաև ներմուծումը, բայց Ռուսաստանը հենց սեփական բամբակի բաղա էր ուղղում ունենալ, Եթե նկատի ունենանք, որ Ռուսաստանի տերիտորիայի ոչ բոլոր մասերն էին, որ կարող էին ծառայել որպես բամբակամշակության բաղա (բացառությամբ Միջին Ասիայի, որը նվաճվեց համեմատաբար ուշ) այստեղից էլ ահտ բամբակի պահանջը Հայաստանի գյուղատնտեսության զարգացմանը Ռուսաստանի համար դառնում է օրվա հարց։ Ըստ այդմ բամբակի արտադրությունն ընդամենը մեկ տասնամյակի ընթացքում Հայաստանում ավելանում է 9 անգամ, հետազայում այդ թվերն ավելի են աճում։ Այսպես՝ 1890 թ. Աղստաֆա կայարանից Ռուսաստան է ուղարկվել 386,446 փութ բամբակ, 1892 թ.՝ 409,811 փութ բամբակ, 1893 թ.՝ 646, 885 փութ բամբակ։

Մամուլում տեղեկություններ կան նաև այն մասին, թե ըստ տարիների ռուսական ինչ ֆիրմաներ որչափ են Հայաստանից բամբակ ուղարկել Ռուսաստան։ Պրոպորցիոնալ կերպով ընդարձակվել է նաև բամբակի ցանքերի տարածությունը։

Երուղատնտեսության այս ճյուղի կապիտալիստական զարգացումը չի ընդթափանցում, ի հարկե, միայն նրանով, որ սրա արտադրանքը ապրանքային էր, այդ դեռ քիչ է, Կարեոր մոմենտներից է նաև այն, որ բամբակը լինելով աշխատարար կուլտուրա, միևնույն ժամանակ կապված է շատ ծախսերի հետ, թեպետ և նա տալիս է մեծ եկամուտներ, Հասկանալի է, որ բամբակի մշակությունը մատչելի էր գյուղացիական այն տնտեսություններին, որոնք ունեին տնտեսական լայն հնարավորություններ։ Եվ որ զլխավորն է, սրանք կիրառում էին վարձու աշխատանք։

Այդ նույն շրջանում, այսինքն 1870—1896 թվականներին, արագ կերպով աճում է նաև խաղողի մշակությունը, որի բռնած տարածությունը 1870 թ. 4129 դեսյատինից 1896 թվականին հասնում է մինչև 5700 դեսյատինի, այսինքն ավելանում է 1,3։

Հատկանշական է, որ խաղողի այգիների առավել աճ կատարվում է Երևանի շրջակայքում և մերձակա գյուղերում: Այստեղ էլ, ինչպես բամբակի մշակության ասպարեզում, մշակվող տարածությունները կենտրոնանում են ավելի սեփական ժարդկանց ձեռքը և արտադրությունը կրում է ապրանքա-կապիտալիստական բնույթ:

1893 թ. Երևանի զավառի 71 այգեջատ գյուղերում ծխերի 21,9 % -ը բոլորովին չունեն ծաղիկներ, մինչև 0,5 հեկտար ունեցողները կաղմում էին բոլոր ծխերի 51 % -ը: Այս երկու խմբերը միասին, որոնք կաղմում էին բոլոր ծխերի 73 % -ը, տիրապետում էին ընդամենը 693 դեսյատին խաղողի այգիներին, կամ ամբողջի 30 % -ին:

Պարզ է, որ բարձր խմբերում եղած խաղողամշակությունն ուներ խիստ ապրանքային բնույթ: Համարյա թե նույն պատկերն է ներկայացնում նաև էջմիածնի զավառը: Այգիների նման բաշխվածությունը նույնպես մատնացույց է անում գյուղատնտեսության այդ ճյուղի կապիտալիստական բնույթի մասին: Այդ էլ դեռ բոլորը չէ:

Ինչպես բամբակը, այնպես էլ խաղողը մինչև սպառման հասնելը ենթարկվում էր տեխնիկական վերամշակության: Վաղիմիր Իլիչ Լենինը հետազոտելով Ռուսաստանում գյուղատնտեսական պրոդուկտների վերամշակման վերաբերյալ վիճակագրական նյութերը, ցույց է ավել, որ մշակող ձեռնարկությունները անկախ իրենց տեխնիկական զարգացման մակարդակից ունեցել են կապիտալիստական բնույթ: Այդ առթիվ Վ. Ի. Լենինն ասում էր. թե այն ձեռնարկությունները, որոնք կատարում են այդ վերամշակումը կամ կաղմում են այդ նույն տնտեսությունների մի մասը, որոնք արտադրում են գյուղատնտեսական հումքը կամ թե պատկանում են հատուկ արդյունաբերողներին, որոնք գնում են հումքը գյուղացիներից:

«Գաղափարատնտեսական տեսակետից այս երկու ախպերի միջև եղած տարբերությունն էական չէ: Երկու տնտեսական տեխնիկական արտադրությունների աճումը շատ կարևոր նշանակություն ունի կապիտալիզմի զարգացման հարցում: Նախ՝ այս աճումն իրենից ներկայացնում է առևտրային հոգադործության զարգացման ձևերից մեկը, ընդ որում հաճապես այնպիսի մի ձև, որն առանձին ցայտունությամբ ցույց է տալիս, որ հողագործությունը զառնում է կապիտալիստական հասարակության արդյունաբերության ճյուղերից մեկը: Երկրորդ՝ գյուղատնտեսական արդյունքների տեխնիկական մշակման դեզակցումը սովորաբար անխղճիորեն կապված է լինում գյուղատնտեսության տեխնիկական առաջադիմության հետ. մի կողմից արդեն իսկ վերամշակության համար հումք արտադրելն ինքն իսկ հաճախ պահանջում է հողագործության բարելավում (օրինակ, արմատապտուղների ցանքը): Մյուս կողմից՝ վերամշակության մամանակ ստացվող թափթփուկը հաճախ օգտահանվում է հողագործության համար, բարձրացնելով նրա հողությունը և վերականգնելով թեկուզ և մասամբ այն հավասարակշռությունը, հողագործության և արդյունաբերության միջև եղած այն փոխադարձ կախումը, որոնց խախտման մեջ է կայանում կապիտալիզմի ամենախորը հակասություններից մեկը»¹

¹ Վ. Ի. Լենին, «Կապիտալիզմի զարգացումը Ռուսաստանում», Նրբեր հատոր III, Կուսհրատ, Նրևան, 1938 թ., էջ 317-318:

Ձեռնարկությունների երկու տիպերն էլ Հայաստանում առաջ են գալիս բամբակի և խաղողի տեխնիկական վերամշակման գծով:

Քանի զեռ բամբակի արտադրությունը չունեի խիստ ապրանքային բնույթ, նրա դառնումը ինչպես նաև վերամշակումը կատարվում է գյուղացու տանը նրա ընտանիքի անդամների միջոցով, այս դեպքում բամբակի գառումը հանդես չէր գալիս որպես ինքնուրույն աշխատանքի բնագավառ, այլ նա ներկայանում էր որպես բամբակի վերամշակման անմիջական աստիճաններից մեկը: Ապրանքային հարաբերությունների պայմաններում առաջ են գալիս բամբակը դառնում հատուկ ձեռնարկություններ: Այդպիսի ձեռնարկություններ առաջ են գալիս հասկանալի պատճառներով խոշոր և ուժեղ տնտեսությունների մոտ, որոնք դառնում էին ոչ միայն իրենց սեփական բամբակը, այլև ուրիշներին, կիրառելով վարձու աշխատանք: Ձեռնարկատերերը դառնում համազուգականների բամբակը, ձեռք են բերում ձեռնարկատիրական հասունյթ, որի աղբյուրն անշուշտ նրանց մոտ գրաված բանվորներից ստեղծած հավելյալ արժեքն է: Այս նշանակում է, որ բամբակադուրի ձեռնարկությունները անկախ իրենց տեխնիկական զարգացման աստիճանից ունենին կապիտալիստական բնույթ: Պաշտոնական վիճակագրության տվյալներով 1888 թվականին Երևանի նահանգում կային բամբակադուրի ձեռնարկություններ թվով 228, որոնք բաց են թողել 76,000 ուղեղում արտադրանք, դրադեցնելով 722 բանվոր:

Նույնատիպ ձեռնարկություններ են հանդես գալիս նաև խաղողի տեխնիկական վերամշակության գծով: Նույն 1888 թվականին Երևանի նահանգում կային 223 այսպես կոչված այգետիրական ձեռնարկություններ, որոնք արտադրում էին գինի ինչպես նաև թորում օղի: 1893 թ. այդ կարգի ձեռնարկությունները թորել էին 8,2 միլ. աստիճան օղի ընդունելով 42 աստիճան թնդություն այն կկազմի 193,60¹⁾ վեդրո: Այդ ձեռնարկությունների կապիտալիստական բնույթի մասին գաղափար կազմելու համար ավելորդ չի լինի հիշատակել, որ յուրաքանչյուրը սեզոնում թորում էր միջին հաշվով 410 վեդրո: Միանգամայն պարզ է, որ սովորական այգետերը չէր կարող իր սեփական այգուց օղեթորման համար այդչափ հումք ստանալ: Հետևապես այդ ձեռնարկությունների տերերը առնվազն գյուղական կուլակներն էին, որոնք իրենց սեփական ապրանքային ելույթի հետ միասին գյուղացիներից գնելու ճանապարհով տեխնիկական վերամշակման էին ենթարկում նաև վերջիններիս խաղողը:

Մենք այստեղ գործ ունենք արդեն առևտրական հողագործության հետ, որը ձուլված էր մանուֆակտուրային ձեռնարկությունների հետ ունենալով բացահայտ կապիտալիստական բնույթ:

Բոլոր ասածներից երեւում է, որ ընդհուպ մինչև 19-րդ դարի վերջերը Հայաստանում եղած գյուղատնտեսական հումք վերամշակող ձեռնարկություններն ունենալով կապիտալիստական բնույթ դեռևս կանգնած էին զարգացման մանուֆակտուրային աստիճանի վրա:

Արտադրության այս ճյուղերը միայն 19-րդ դարի վերջին և 20-րդ դարի սկզբին են աստիճանաբար թևակոխում զարգացման գործարանային աստիճանը:

Հայաստանում եղած այսպես կոչված ոչ կատարելագործված ձեռնար-

կությունների անբավարար լինելը շուկայի պահանջարկները բավարարելու գործում 90-ական թվականների վերջերին բացահայտ է դառնում:

Արեան են գալիս նոր ձեռնարկություններ՝ գործարաններ: Առաջին գործարանը Ներսես Թաթևրովինն էր, որ 1890 թ. արաադրեց 35,000 աստիճան կոնյակի սպիրտ, 1894 թ. նրա արաադրանքը աասնապաակվեց, աալով 325,000 աստիճան: 1893 թ. Արեանում առաջ են գալիս կոնյակի նոր գործարաններ՝ Աֆրիկյանների, Գյոգալովի, Սառաջովի և այլն: Արդեն 1900 թ. Հայաստանում եզած գործարանները մանուֆակտուրաների հետ միասին արաագրում էին մոտ 9 միլիոն աստիճան սպիրտ:

Այդ նույն շրջանին է վերաբերվում սպիրտ արաագրող ձեռնարկությունների կենարոնացումը, որի իրականացնողը հանդիսացավ խոշոր կապիտալիստ Լ. Ն. Շուստովը: Աա հետզհետե դուրս մղելով մնացած գործարանաաներին, կատարելագործեց տրտագրությունը: Մանուֆակտուրային ձեռնարկությունների արաադրանքի աեսակարար կշիոր հեղհետե սկսեց ընկնել ընհանուր արաադրանքի մեջ ի հաշիվ գործարանների արտադրանքի աեսակարար կշռի ավելացման: Այսպես, եթե 1893 թ. երկրում արաադրված 8,55 միլիոն աստիճան սպիրտից կատարելագործված գործարանները աալիս էին ընդամենը 418 հազար աստիճան, ապա 1911 թ. արտագրված 15 միլիոն աստիճանից 7,2 միլիոնը տալիս էին գործարանները, որը կադմում էր աւորող արաադրանքի համարյա կեսը:

Արդյունաբերության առանձին ճյուղերի առաջացման ու զտրգացման պատմությունից անցնելով նրա զարգացման առանձնահատկությունների հարցին, աւորողապետ վերցված պետք է նկատել հետեյալը.

Հայաստանում գործարանային արդյունաբերության ամենահին ճյուղը պղնձի արդյունաբերությունն է, ավելի ուշ առաջացան գինու և կոնյակի արդյունաբերությունը:

Աշխատանքի հասարակական բաժանումը Հայաստանում 19-րդ դարի 2-րդ կեսի ընթացքում չհասավ այնպիսի աստիճանի, որ գություն ունեցող արդյունաբերության ճյուղերից առանձնանային նոր ճյուղեր. ասենք թե պղնձի արդյունաբերության բաղայի վրա առաջանային մեաադամշակման ձեռնարկություններ, կամ թե բամբակադաիշ արդյունաբերության բաղայի վրա առաջանար տեքստիլ արդյունաբերություն:

Աշխատանքի հասարակական բաժանման չխորանալու պաահաոր Հայաստանում ցարիզմի վարած գազութային քաղաքականությունն էր, որն արհեստականորեն արգելակում էր արտադրողական ուժերի նորմալ զարգացումը: Այդ էր պատճառը, որ այնպիսի մի կարևոր ճյուղ, ինչպիսին պղնձի արդյունաբերությունն էր, նրա տեխնիկան և էկոնոմիկան հիշյալ ժամանակաշրջանում չկրեցին լուրջ փոփոխություններ: Պղնձաձուլելու հին տեխնիկան, հանքաքարը հանելու միջոցները մնում էին անփոփոխ տասնամյակների ընթացքում: Ռուսական կապիտալի դերն այս ճյուղի համար զերոյի էր հավասար: Արասահմանյան կապիտալն էլ երկրում չունենալով ուժեղ մրցակիցներ մեծ փոփոխություններ չէր մացնում արաադրության տեխնիկայի մեջ:

Ըսա այնմ Հայաստանի արդյունաբերության կապիտալիստական զարգացումն ուներ այն առանձնահատկությունները, որ մինչև 20-րդ դարի սկզբները նրա մեջ համակենտրոնացումը կաաարվում էր խիստ դանդաղ,

նա չհասավ կենտրոնացման այնպիսի աստիճանի, որ արդյունաբերական զարգացման շրջանից անցնելու մոնոպոլիստական զարգացման փուլը:

Հայաստանի արդյունաբերության այդ կարևոր ճյուղի մյուս առանձնահատկությունն էլ այն էր, որ նա ուներ էքստերիստորիալ բնույթ՝ երկրում ստեղծված հավելյալ արժեքը հոսում էր երկրից դուրս, դրանով էլ հենց կանխում կապիտալի համակենտրոնացումը և կենտրոնացումը:

Արդյունաբերության և գյուղատնտեսության մեջ կապիտալիզմի զարգացման այդ առանձնահատկությունների հետևանքով, երկիրը գնում է դեպի աղքատացումը: Լինելով գյուղատնտեսական երկիր, 20-րդ դարի սկզբին Հայաստանի գյուղատնտեսությունը կանգնած էր տեխնիկական շատ ցածր մակարդակի վրա: Գյուղական բնակչությունից ահագին քանակությամբ մարդիկ ենթարկվելով քայքայման, քաղաքներում չէին կարողանում իրենց բանվորական ուժի կիրառում գանել: Սա պառակտելի էր, որը հետևանք էր կապիտալիստական հարաբերությունների յուրահատուկ զարգացմանը: Այդպես շարունակվեց Հայաստանի էկոնոմիկայի զարգացումը մինչև առաջին իսպերիստական պատերազմը: